



**Masfjorden  
kommune**



**Årsmelding 2022  
Kraftfondet**



## KVA ER KRAFTFONDET

Ved kraftutbygging vert regulator pålagt å innbetale ei avgift (konsesjonsavgift) til kommunen som Kongen bestemmer. Regulator kan og verte pålagt å opprette eit fond i dei einskilde kommunane. Fondet og dei årlege konsesjonsavgiftene utgjer det som ein kallar for Kraftfondet.

Lovheimelen om kraftfond finn ein i Industrikonsesjonslova (14. desember 1917 nr. 16 § 2, 3.ledd, nr. 13, 6.ledd) og vassdragsreguleringslova (14. desember 1917 nr. 17 § 11 nr. 2, 2.ledd). Denne lovheimelen vart endra ved lov av 12. juni 1987 og begge lyder no slik:

*«Avgifta til fylkeskommunen og kommunane fordelast mellom desse innbyrdes etter bestemmelse av kongen for 10 år ad gangen. Avgifta avsettes særskild for kvar kommune til eit fond, som anvendes etter bestemmelse av fylkestinget eller kommunestyret. Denne myndighet kan delegeres til annet kommunalt eller fylkeskommunalt organ.»*

*Fondets midlar skal i samsvar med vedtektene undergitt vedkommande departement godkjenning, fortrinnsvis anvendes til utbygging av næringslivet i distriktene. Departementet kan delegerer myndighet til å godkjenne vedtektene til Fylkesmannen».*

Kraftfondet har ein fondskapitalen på 1. million kroner innbetalt av Bergenshalvøens kommunale kraftselskap (BKK) i medhald av punkt 12 i konsesjonsvilkåra for regulering og overføring i Matrevassdraget, oppretta ved kongeleg resolusjon av 11. desember 1964 og i medhald til punkt 2 i konsesjonsvilkåra for ytterlegare reguleringar og overføringar i Matre og Haugsdalsvassdraga i samband med bygging av Haugsdal kraftanlegg (Vemundsbotten kraftstasjon), gjeve med kongeleg resolusjon av 8. februar 1980.

Fondskapitalen er lik grunnkapitalen, dvs. 1 mill.kr., og midlar som blir tilført årleg omlag 2,8 mill.kr. i konsesjonsavgift og elles rente av fondskapital og rente- og avdrag kraftfondutlån. Dette medfører at kommunen årleg har i overkant av 2 mill.kr. til disponering gjennom kraftfondet.

## FØREMÅLET MED KRAFTFONDET

**Det overordna målet med å bruka kraftfondet er å fremja etablering av nye verksemder, og å vidareutvikle eksisterande verksemder.**

Kraftfondet skal i fyrste rekkje nyttast til næringsføremål. Fondet kan også nyttast til kommunale tiltak. Prosjekt som har til føremål å betra vilkåra for sysselsetjinga for kvinner og ungdom bør prioriterast. Det kan ikkje gjevast stønad til sanering av gjeld eller til den daglege drifta av verksemder og kommunen. Det bør heller ikkje gjevast stønad til verksemder som mottar vesentlege overføringar over statsbudsjettet. Fondet sine midlar skal berre nyttast til investeringar i varige driftsmidlar.

### Former for stønad

Stønad kan gjevast i form av lån og/eller tilskot.

Midlane bør ikkje nyttast til aksjeteikning i private bedrifter. Dersom kommunen teiknar aksjar, kan dette ikkje utgjere meir enn 30% av aksjekapitalen i bedrifta. Denne avgrensinga gjeld ikkje for utviklingsselskap, utleigebygg o.l som kommunen etablerer i samarbeid med private interesser.

## VILKÅR FOR STØNAD

Samla finansiering frå kraftfondet til private næringsiltak skal som hovudregel ikkje overstige 25% av den samla kapitaltrongen for eit prosjektet. Prosjekt som har til siktemål å skaffa arbeidsplassar for ungdom & kvinner skal prioriterast. Ved driftsutvikling kan det gjevast inntil 75% stønad.

Stønaden (tilskot og eventuell subsidiar i samband med lån med redusert rente) skal vera innafor EØS sine reglar for offentleg stønad – stønad skal ikkje utgjere meir enn om lag kr. 850.000 innafor ein 3-års periode.

Stønad over (100.000 ECU/850.000 NOK) denne summen skal rapporterast til Nærings- og handelsdepartementet.

## VEDTEKTER & RETNINGSLINER

Det er utarbeid egne vedtekter & retningslinjer for bruken av kraftfondet. Desse byggjer på standardvedtekter fastset av Kommunal- og regionaldepartementet. Retningslinjene vart sist revidert med endeleg vedtak den 2.12.21 gjennom Kommunestyrevedtak i sak 64/2021. Det var behov for rulling og oppdatering av vedtektene og retningslinjene for kraftfondet (sist revidert 23.9.2008) med bakgrunn i eigen praksis som ikkje heilt er heimla i vedtektene, referanse til lovverk (ny kommunelov) og føresegner etc

### Endringane i høve tidlegare retningslinjer:

Jf. Kommunestyrevedtak 2.12.21, sak 064/2021

**Frå:** Kraftfondet er først og fremst retta mot støtte til mindre næringsprosjekt. For større prosjekt (samla kapitalbehov utover 500.000,-) skal søkjar først avklare mogleg støtte gjennom innovasjon Noreg eller andre regionale støtteordningar, før kraftfondet tek saka opp til handsaming.

**Til:** Kraftfondet er først og fremst retta mot støtte til mindre næringsprosjekt.

Beløpsgrenser for støtte gjennom kraftfondet;

- Bedriftsutvikling kr. 50.000,-
- Investeringskr. 250.000,-
- Utlån kr. 500.000,-

### Tiltak som ikkje skal gjevast stønad over kraftfondet:

- Det kan ikkje gjevast stønad til sanering av gjeld i private bedrifter. Dette set ikkje hindringar for at kraftfondet kan nyttast til refinansiering av ei bedrift etter føreteke gjeldssanering
- Det kan heller ikkje gjevast stønad til løypande drift av kommunen. Unnateke løn til næringsarbeid, som kan finansierast av fondet. Vidare kan det gjevast stønad til ekstraordinære kommunale tiltak som i utgangspunktet er lagt til andre forvaltningsinstansar som for eksempel Einekavane AS. Avdrag på lån vert ikkje rekna som løypande drift av kommunen.
- Transportmiddel (bil, varebil, lastebil, traktor etc.) fell i utgangspunktet utafør det som kraftfondet gjev støtte til.
- Hus/fritidshus (kommunen har eigen støtte ordning for oppføring og kjøp av hus, kjøp og utleige av hus/hytte fell utafør det som kan gjevast støtte frå kraftfondet. Infrastruktur kan vurderast.

Ut over dei prioriteringar som er gjort i strategisk næringsplan, bør all næringsverksemd likestillast. Kommunen bør derimot ikkje gje stønad til næringsverksemd som mottar store overføringsar over statsbudsjettet.

### Til §3 Former for stønad

**a.** Stønad til nyetableringar skal i hovudsak gjevast som tilskot eller lån på visse vilkår, under dette ansvarleg lånegjeld. Storleiken på tilskota og/eller lån skal vurderast ut i frå samla kapitaltrong og tilgang på andre distriktpolitiske verkemiddel.

**b.** Garantiar kan berre gjevast dersom desse kan godkjennast etter kommunelova § 14-19.

**c.** Kraftfondet bør ikkje nyttast til å teikne aksjar og andeler i privat næringsverksemd.

Kommunen kan fort komme i ein uheldig dobbelrolle som ansvarleg for både investering/drift og tilskot/lån.

### Forvaltning

Formannskapet er styre for kraftfondet, og vert delegert avgjerdsmynde i alle saker. Formannskapet kan vidare delegere mynde til rådmannen. Søknad om tilskot over kr. 100.000 og lån over kr. 200.000,- skal likevel handsamast av kommunestyre.

### Forhold som er fjerna i dei nye vedtektene og retningslinene

#### § 7 Årsmelding

Gjenpart av denne årsmeldinga skal sendast Fylkesmannen og fylkeskommunen.

§ 8 Godkjenning av vedtektene, Kommunestyre skal gjera vedtak om endring av vedtektene.

Vedtak om endring av vedtektene for kraftfondet skal godkjennast av Fylkesmannen i Hordaland.

Kopi av godkjende vedtekter vert å sende

Fylkeskommunen/innovasjon Noreg.

Punkt under § 7, siste del – forslår att denne vert tekne ut av retningslinene

Søkjarar som har motteke lån til prosjekt skal sende inn årsmelding til styret for kraftfondet årleg inntil

lånet er nedbetalt/innfridd og søkjarar som har vorte tildelt tilskot gjennom kraftfondet skal sende inn rekneskap/årsmelding for det aktuelle år tilskotet vart utbetalt med tilbakemelding om kva betydning tilskotet hadde for det aktuelle året”.

## KRAFTONDSAKER 2022

Sak nr.	Søklar/tiltak	Søkt om		Løyvd		handsama av kraftfondet;	K-styre handsaming	Brukte midlar '22	Unyttar '22
		Tilskot	Lån	Tilskot	Lån				
	Budsjett 2022 - Masfjorden kraftfond					02.12.2021	2.12.21 - 66/21		350 000
1.	Godkjenning avinnkalling og sakliste	0	0	0	0	29.03.2022		0	350 000
2.	Godkjenning avmatebok	0	0	0	0	29.03.2022		0	350 000
3.	Nautesund camping & hytter	0	0	0	0	29.03.2022		0	350 000
4.	Nordbygda senter	0	0	0	0	29.03.2022		0	350 000
5.	Delegerte saker	0	0	0	0	29.03.2022		0	350 000
6.	Referatsak	0	0	0	0	29.03.2022		0	350 000
7.	Godkjenning avinnkalling og sakliste	0	0	0	0	29.04.2022		0	350 000
8.	Godkjenning avmatebok	0	0	0	0	29.04.2022		0	350 000
9.	Årsmelding kraftfondet 2021	0	0	0	0	29.04.2022		0	350 000
10.	Budsjettjustering kraftfondsbudsjettet 2022	0	0	0	0	29.04.2022	5.5.22 - sak 21/22	0	500 000
11.	Nautesund camping & hytter - søknad om støtte gjennom kra	800 000	0	250 000	500 000	29.04.2022	5.5.22 - sak 23/22	250 000	250 000
12.	Nordbygda senter - søknad om støtte gjennom kraftfondet	140 000	0	40 000	0	29.04.2022		40 000	210 000
13.	Delegerte saker	0	0	0	0	29.04.2022		0	210 000
14.	Referatsak	0	0	0	0	29.04.2022		0	210 000
15.	Godkjenning avinnkalling og sakliste	0	0	0	0	05.12.2022		0	210 000
16.	Godkjenning avmatebok	0	0	0	0	05.12.2022		0	210 000
17.	Kraftfondsbudsjettet 2023	0	0	0	0	05.12.2022	15.12.22 sak 63/22	0	210 000
18.	Frøyseth gardsmat	300 000	700 000	200 000	500 000	05.12.2022	15.12.22 sak 67/22	200 000	10 000
19.	Torsvik trefelling	34 750	0	30 000	0	05.12.2022		30 000	-20 000
20.	Lån frå kraftfondet for bygging av lausdriftsjes for store	0	0	0	0	05.12.2022	15.12.22 sak 70/22	0	-20 000
21.	Referatsak	0	0	0	0	05.12.2022		0	-20 000
		1 274 750	700 000	520 000	1 000 000			520 000	

+ at det var møte med orienteringssaker den 29.august 2022



## KRAFTFONDSTYRET I 2022

Det er eige styre for kraftfondet (f.t. identisk med formannskapet) og det vert ført eiga møtebok for kraftfondet.

*Styret for kraftfondet har hatt slik samansetjing:*

<i>Karstein Totland</i>	- H
<i>Torill Torsvik Størkerse</i>	- Ap
<i>Erlend Kvamsdal</i>	- H
<i>Siri Tangedal Kratzmeier</i>	- Krf
<i>Geir Egil Haugsvær</i>	- Sp

Frå administrasjonen si side har i all hovudsak vore Svein Helge Hofslundsengen som arbeidd med nærings saker overfor kraftfondsstyret. Det vart handsama 21 saker i kraftfondsstyret fordelt på 4 møte.

### UTLÅNSRENTA I KRAFTFONDET

Renta for utlån kraftfond skal fylgja Husbanken si lågaste flytande rente. Dette inneber at renta vert fastset kvarttalvis heretter.

### FORVALTNING AV UTLÅNA

Forvaltning av utlåna (kraftfond, etableringslån m.m.) skulle overførast til forvaltningsavdelinga hjå sparebanken Vest, seinare endra til Lindorff jf. formannskapsvedtak sak 14/95, noko som har vorte praktisert frå år 2000.

## REKNESKAP MASFJORDEN KRAFTFOND 2022

Inntekter:	Budsjett 2022	Rekneskap 2022
Påfyll kraftfondet - konsesjonsavgift	-3 200 000	-3 199 992
Avdrag utlån frå kraftfondet	-90 000	-210 940
Renter	-10 000	-8 019
Unytta frå 2021 Kraftfondsbudsjettet	-240 000	
<b>Sum inntekter</b>	<b>-3 540 000</b>	<b>-3 418 951</b>
<b>Utgifter:</b>		
Masfjordsambandet - brufond jf. KS 45/12	1 000 000	1 000 000
LVK, reiselivslaget og regionrådet – tilskot/kontingent 2022	550 000	500 455
Arrangement/profilering av kommunen/tiltaksmidlar	350 000	175 422
Næringsarbeid innan kommuneadminstrasjonen	100 000	100 000
Mjølkekvote	250 000	252 291
Tilrettelegging bustadføremål	0	0
Kjøp av grunn	0	350 000
Andre nærings tiltak - tilskot GMU	350 000	350 000
Etableringstilskot	430 000	480 000
Frie fondsmidlar til fordeling/næringsstilskot + næringsstøtte	500 000	386 400
<b>Sum utgifter</b>	<b>3 530 000</b>	<b>3 594 568</b>
<b>”Overforbruk” i 2022</b>		<b>175 617</b>
<b>Utlån</b>		<b>0</b>
<b>Avsett til bustadfond</b>		<b>0</b>

Utlån frå kraftfondet 31.12.21 utgjer kr. 1.141 258,10



# ETABLERINGSTILSKOT

## Søknad om etableringstilskot (skjema.kf.no)

### KS - 037/2021 Vedtak

Ordning med etableringstilskot vert justert og får følgjande regelverk frå 01.01.2021:

- Det kan gjevast etableringstilskot til førstegongs etablering med bygging, kjøp og/eller restaurering av eigen privat bustad i Masfjorden kommune med kr. 60.000,- for dei under 35 år, og kr. 40.000,- for dei mellom 35 år og inntil ein fyller 40 år. Etableringstilskotet kan ikkje utgjere meir enn 10% av kostnaden.
- Etableringstilskot vert berre ytt til ungdom i etableringsfasen. For å koma innfor definisjonen ”ungdom i etableringsfasen”, må søkjaren vera under 40 år den dag mellombels bruksløyve/ferdigattest ligg føre.
- Søknadsfrist vert sett til 1. september kvart år, for utbetaling i neste budsjettår, slik at midlane til etableringstilskot kan innarbeidast i årsbudsjettet til kraftfondet.
- Ved søknaden må det leggjast ved attestasjon på at søkjaren er byggherre, og skal vera eigar av huset/registrert som innbyggjar i kommunen
- Etableringstilskotet vert nedskrive over 5 år. Ved sal av bustad eller flytting frå kommunen før dette tidsrommet er ute, skal kommunen ha tilbakebetaling i høve til den tid som er gått.
- Etableringstilskotet kan betalast ut etter nærare vurdering når mellombels bruksløyve eller ferdigattest føreligg.

### KOMMUNALT INVESTERINGSTILSKOT VED KJØP AV MJØLKEKVOTE, TILSKOT PR. LITER KJØP KVOTE:

Søklar under 30 år	50 %
Søklar melom 30 - 40 år	25 %
Søklar over 40 år	12,5 %

## ELEVBRIFTF

### REGELVERK FOR TILDELING AV STØNAD GJENNOM KRAFTFONDET

1. Ordninga med stønad til elevbedrifter vert utlyst ved starten på haustsemesteret og starten på vårsemesteret.
2. Frist for søknad på hausten er 1. oktober.
3. Frist for søknad på våren er 10. februar.
4. Skulane har ansvarshavande lærar som har ansvar for drift og økonomi i bedriftene.
5. Søkjaren må ha kontonummer pengane vert overført til.
6. I søknaden må det gå fram kva stønaden skal nyttast til. Stønaden vert utbetalt som ein eingongssum. Elevbedrifta sender så rekneskap som viser at midlane er nytta i samsvar med søknaden. Eventuelle endringar må meldast ny søknad og sendast rådmannen for godkjenning. Unytta midlar må betalast tilbake til kommunen.
7. Alle elevbedriftene må senda ferdig attestert godkjent rekneskap til rådmannen.
8. Rektor har ansvar for at skulen har etablert ei ordning der ein tilsett attesterer og godkjenner rekneskap.
9. Dei produksjonsmidlane bedriftene med stønad kjøper inn, er skulen sitt eige når bedrifta vert lagt ned. Framtidige bedrifter kan leiga produksjonsmidlet hos skulen for ein avtalt sum. Leigesummen tilfell skulen.
10. Dei elevbedriftene som får tildelt lån, må skriva under ein låneavtale med plan for tilbakebetaling.





# VEDTEKTER FOR MASFJORDEN KRAFTFOND

Gjeldande vedtekter etter Kommunestyrevedtak den 2. desember 2021.

## § 1 Kraftfond - Heimel, kapital og avkastning

### a. Fondskapitalen er:

Kraftfond på 1. million kroner, innbetalt av Bergenshalvøens kommunale kraftselskap(BKK) i medhald av punkt 12 i konsesjonsvilkåra for regulering og overføring i Matrevassdraget, oppretta ved kongeleg resolusjon av 11. desember 1964 og i medhald til punkt 2 i konsesjonsvilkåra for ytterlegare reguleringar og overføringar i Matre og Haugsdalsvassdraga i samband med bygging av Haugsdal kraftanlegg (Vemundsbotten kraftstasjon), gjeve med kongeleg resolusjon av 8. februar 1980.

### b. Avkastning:

- Årleg konsesjonsavgift som vert innbetalt av Bergenshalvøens kommunale kraftselskap (BKK) i medhald av konsesjonsvilkåra for Matre- og Haugsdalsvassdraga.
- Renter og annan avkastning av fondskapitalen

Avkastninga kan nyttast til tilskot og/eller lån.

## § 2 Føremål

Kraftfondet skal i hovudsak nyttast til næringsføremål. Fondet kan og nyttast til kommunale tiltak som tryggjer og aukar busetnaden i Masfjorden kommune.

Prosjekt som har til føremål å betra vilkåra for sysselsetjing av ungdom og kvinner bør prioriterast.

Det kan ikkje gjevast stønad til sanering av gjeld eller til den daglege drifta av verksemder og kommunen.

Verksemder som mottar vesentleg overføringar frå statsbudsjettet bør ikkje prioriterast.

Fondet's midlar kan berre nyttast til investeringar i varige driftsmidlar.

## § 3 Former for stønad

**Stønad gjennom kraftfondet kan gjevast i form av tilskot eller lån.**

Vidare er det høve til å stilla garantiar for kommunale tiltak i den grad desse er gyldige garantiføremål Etter kommunelova § 14-19 og føresegnene for kommunale garantiar.

Midlane bør ikkje nyttast til aksjeteikning i private bedrifter. Dersom kommunen teiknar aksjar, kan ikkje dette utgjere meir enn 30% av aksjekapitalen i bedrifta. Denne avgrensinga gjeld ikkje utviklingselskap, utleigebygg o.l. som kommunen etablerer i samarbeid med private interesser.

Det er ikkje høve til å søkje om støtte til same prosjekt kor kommunen har fatta vedtak tidlegare

Tilskot gjennom kraftfondet vert nedskrive over 5 år. Ved sal av varige driftsmiddel/ verksemd/ tilskotgrunnlag for dette tidsrommet er ute, skal kommunen ha tilbakebetaling i høve til den tid som er gått – til dømes vil sal etter 3. året tilseie at kommunen skal ha tilbakeført 2/5 av tilskotet.

## § 4 Forholdet til internasjonale plikter på statsstøtte området

Bruken av kraftfondet skal vera i samsvar med det internasjonale reglane Noreg har slutta seg til på statsstøtte område (dvs. EØS-avtalen sitt regelverk for offentleg støtte).



## § 5 Vilkår for stønad

Samla finansiering frå kraftfondet til private nærings tiltak skal som hovudregel ikkje overstige 25 % av den samla kapitaltrongen for eit prosjekt.

Ved bedriftsutvikling kan det gjevast inntil 50% finansiering til prosjekt som har særleg verknad for ungdom og kvinner, og ved nyetablering kan det gjevast inntil 50% støtte”.

Stønad (tilskot og eventuelle subsidiar i samband med lån med redusert rente) skal vere avgrensa til: Maksimal stønad må liggje innanfor ei samla grense på 100 000 ECU (omrekna i høve til referansekurs fastset av ESA - EFTA overvakingsorgan kvart år) til ei og same bedrift i ein tre års periode.

Bedrift som mottar stønad plikter å opplyse om bagatellmessig stønad bedrifta har motteke dei siste tre åra.

- Bagatellmessig stønad kan gjevast alle bedrifter uavhengig av storleik
- Det kan gjevast bagatellmessig stønad til alle typar kostnader og næringar, unnateke stønad til primær stålproduksjon, skipsbygging, transport og eksport

Dersom fondsstyre i kommunen ynskjer eit kraftfond utan avgrensingane som reglane om Bagatellmessig stønad gjev, må kommunen sjølv ordne med at tiltaket vert meldt til Nærings- og fiskeridepartementet, via Kommunal- og moderniseringsdepartementet i samsvar med Lov om offentleg stønad § 2.

## § 6 Forvaltning

Kommunestyret nemner opp styre for kraftfondet. Kraftfondsstyret er for tida identisk med formannskapet. Styret kan delegera avgjerdsrett til administrasjonen etter nærare gitte fullmaktsgrenser. Slik mynde kan ikkje gå ut over dei avgrensingar som følgjer av kommunelova sine reglar og dei kommunale budsjett- og rekneskapsføresegner.

Fondsmidlane skal plasserast på rentebærande konto, slik at midlane til ei kvar tid er til rådvelde.

Rente og avdrag utlån skal attende til kraftfondet. I særlege høve kan Kommunestyret gjera unntak for heile eller deler av renta. Annan plassering av fondsmidlane kan berre godtakast dersom dette ikkje er til hinder for at midlane kan disponerast til ei kvar tid.

Når det gjeld høve til å klage på avgjerder syner ein til kap 27 i kommunelova (lovlegkontroll) og forvaltningslova § 28 andre ledd (klage på enkeltvedtak).

Klagefrist er 3 - tre - veker etter at vedtaket er gjort.

## § 7 Årsmelding

Det skal leggjast fram ei melding om kraftfondet si verksemd for kommunestyre kvart år.

## § 8 Godkjenning av vedtektene

Kommunestyre skal gjera vedtak om endring av vedtektene.



# RETNINGSLINER FOR BRUKEN AV KRAFTFONDET

## Til § 1 Kraftfond - Heimeel, kapital og avkastning

Grunnkapitalen på kr. 1.000.000,- vert plassert i bank eller finansinstitusjon på best mogleg vilkår.

Midlar frå kraftfondet kan setjast av til garantifond, når det vert gjeve garanti for kommunale tiltak. Styret for kraftfondet kan gje garantiar for opp til kr. 500.000,- av fondskapitalen. Vilkåret er at garantien er gyldig etter kommunelova § 14-19.

## Til § 2 Føremål

Det overordna målet med å bruka kraftfondet er å bidra til sikring og vidareutvikle eksisterande verksemdar, fremja etablering av nye verksemdar og å sikra og auka busetnaden i kommunen.

Som del av kommuneplanen skal det lagast ein eigen næringsplan. Denne skal gje grunnlag for prioritering av prosjekt. Næringslivet i kommunen bør trekkjast aktivt med i utarbeidinga av ein slik plan. Planen skal innehalde strategiar for kommunen sin kvinne- og ungdomsretta tiltaksarbeid.

Eksempel på prosjekt som kan få stønad:

- **Kommunalt tiltaks- og næringsarbeid**  
til dømes: næringsplanlegging, etableringsprosjekt, samarbeid  
skule/næringsliv og stadutviklingsprosjekt.
- **Fysisk tilrettelegging for næringsverksemd**  
til dømes: kommunal tilrettelegging av næringsarealar, fysisk stadutvikling,  
infrastruktur for reiseliv, vassforsyning.
- **Bedriftsutvikling**  
til dømes: etableringsstipend, opplæring, produktutvikling, marknadsføring,  
marknadsundersøking og planlegging.
- **Investering i bedrifter**  
til dømes: utstyr, maskiner og bygningar ved oppstart og utviding av bedrifter.
- **Ungdom, utdanning og arbeid**  
til dømes: Støtte til private verksemdar som tek inn lærlingar i yrkesretta fag.

### Beløpsgrenser for støtte gjennom kraftfondet;

- Bedriftsutvikling kr. 50.000,-
- Investeringar kr. 250.000,-
- Utlån kr. 500.000,-

*Kraftfondet er først og fremst retta mot støtte til mindre næringsprosjekt.*

Kraftfondet kan og nyttast til utbygging av kommunale fellestiltak som kommunikasjonar, barnehagar, skular, helse- og sosialinstitusjonar, samfunnshus og idrettsanlegg. Til desse formåla kan fondet nyttast til støtte investeringar, ikkje drift. Kommunen bør prioritere kraftfondet til direkte næringsutvikling framfor denne typen kommunale fellestiltak.

Ved ein eventuell samfinansiering med midlar frå andre støtteordningar, kan samla offentleg stønad ikkje overstige stønadsdel som er fastset i § 5.





### Tiltak som ikkje skal gjevast stønad over kraftfondet:

- Det kan ikkje gjevast stønad til sanering av gjeld i private bedrifter. Dette set ikkje hindringar for at kraftfondet kan nyttast til refinansiering av ei bedrift etter føreteke gjeldssanering.
- Det kan heller ikkje gjevast stønad til løpande drift av kommunen. Unnateke løn til næringsarbeid, som kan finansierast av fondet. Vidare kan det gjevast stønad til ekstraordinære kommunale tiltak som i utgangspunktet er lagt til andre forvaltningsinstansar som for eksempel Einekavane AS.  
Avdrag på lån vert ikkje rekna som løpande drift av kommunen.
- Transportmiddel (bil, varebil, lastebil, traktor etc.) fell i utgangspunktet utafør det som kraftfondet gjev støtte til.
  - Hus/fritidshus (kommunen har eigen støtte ordning for oppføring og kjøp av hus, kjøp og utleige av hus/hytte fell utafør det som kan gjevast støtte frå kraftfondet.Infrastruktur kan vurderast

Ut over dei prioriteringar som er gjort i strategisk næringsplan, bør all næringsverksemd likestillast. Kommunen bør derimot ikkje gje stønad til næringsverksemd som mottar store overføringar over statsbudsjettet.

### Til § 3 Former for stønad

- a. Stønad til nyetableringar skal i hovudsak gjevast som tilskot eller lån på visse vilkår, under dette ansvarleg lånegjeld. Storleiken på tilskota og/eller lån skal vurderast ut i frå samla kapitaltrong og tilgang på andre distriktpolitiske verkemiddel.
- b. Garantiar kan berre gjevast dersom desse kan godkjennast etter kommunelova § 14-19.
- c. Kraftfondet bør ikkje nyttast til å teikne aksjar og andeler i privat næringsverksemd. Kommunen kan fort komme i ein uheldig dobbelrolle som ansvarleg for både investering/drift og tilskot/lån.

### Til § 4 Forholdet til internasjonale plikter på statsstøtte området

### og § 5 Vilkår for stønad

Ei øvre ramme for stønadsbeløp pr. prosjekt må haldast innafor dei maksimale rammene som følgjer av ESA statsstøttereclar. Gjennom EØS- avtalen har Noreg forplikta seg til å avstå frå å yte konkurransevriane offentleg stønad til næringslivet i den grad stønaden påverkar samhandelen mellom EØS- landa. Definisjonen offentleg stønad dekkjer stønad gjeve frå offentlege kjelder anten desse er statlege, fylkeskommunale eller kommunale. Reglane om offentleg stønad vil derfor regulere bruken av kraftfond når fonda nyttast til stønad til bedrifter. Stønad til prosjekt i kommunal regi, som nærings- og tiltaksprosjekt og infrastrukturprosjekt fell ikkje inn under reglane om offentleg stønad. Sentralt i reglane om offentleg stønad er kravet om stønadsordningar skal meldast inn og/eller eventuelt notifisert av EFTA's overvakingsorgan. I Noreg samordnar Nærings- og handelsdepartementet slik innmelding til overvakingsorganet. Innafor godkjent stønadsordning vil det normalt ikkje vere nødvendig å melde inn enkeltvedtak om stønad.

Kommunen har under § 5 i vedtektene for Masfjorden kraftfond gått inn på bagatellmessige stønadsordningar. Bagatellmessige stønadsordningar skal meldast til ESA, og krev ingen årleg rapportering.

Reglane om bagatellmessig stønad seier at ei bedrift kan motta inntil 100.000 ECU (omrekna i høve til referansekurs fastset av ESA - EFTA overvakingsorgan kvart år) til ei og samme bedrift i ein tre års periode frå det tidspunkt ei bedrift er tildelt bagatellmessig stønad. Ein må difor ta omsyn til all tildelt bagatellmessig stønad for ei bedrift innafor siste tre års perioden og som er blitt definert som bagatellmessig stønad. Det kan gjevast bagatellmessig stønad til alle typar kostnader og næringar, unnateke støtte til primær stålproduksjon, skipsbygging, transport og eksport.

Med stønad til eksport tenkjer ein på, stønad som kan koplast direkte til mengde eksporterte varer frå bedrifta, etablering og drift av eit distribusjonsnettverk.

- Det kan gjevast stønad til følgjande tiltak i samband med eksport:
- Rådgeving for identifisering av bedrifta sine behov og val av tenester
- Kompetansegejevande tiltak
- Utarbeiding av eksportmarknadsplan
- Studiar eller konsulenttenester som vil vere nødvendig for å lansere eit nytt produkt eller eit eksisterande produkt på eit ny marknad
- Marknadsundersøkingar/innhenting av marknadsinformasjon
- Deltaking på messer



Lån frå kraftfondet skal sikrast med pant i fast eigedom, leigerett med driftstilbehøyr, maskiner eller salspant.  
Rente på lån frå kraftfondet skal følgja Husbankens lågaste flytande rente

#### **Til § 6 Forvaltning**

- b. Formannskapet er styre for kraftfondet, og vert delegert avgjerdsmynde i alle saker. Formannskapet kan vidare delegere mynde til rådmannen. Søknad om tilskot over kr. 100.000 og lån over kr. 200.000,- skal likevel handsamast av kommunestyre.
- b. Søknader kraftfondet skal skje elektronisk – skjema finn ein på kommunen si heimeside på internett [www.masfjorden.kommune.no](http://www.masfjorden.kommune.no) og alle søknader vert å sende [postmottak@masfjorden.kommune.no](mailto:postmottak@masfjorden.kommune.no). Saksførebuinga til styret for kraftfondet vert delegert til rådmannen. Rådmannen kan intern delegere mynde
- c. Alle søkjarar til kraftfondet skal verta invitert til kraftfondsstyret eller Kommunestyret for å få presentert sin prosjekt/forretningsideen sin.
- d. Etter tre år skal søkjar som har motteke lån/tilskot få eit evalueringsskjema der dei vurderer kommunen sin medverknad i høve til lån eller tilskot og kva servicenivået har betydd for dei.
- e. Budsjett og rekneskap skal integrerast i kommunen sitt økonomisystem i samsvar med gjeldande føresegner. I tillegg forutset ein at det vert utarbeid eit vedlegg til rekneskapen med ein samla oppstilling av kraftfondet sine inntekter og utgifter. I budsjettet skal Kommunestyret konkretisere sum frie fondsmidlar til tildeling i form av hhv. lån og tilskot
- f. Mindretalet i kraftfondsstyret kan bringe organet sitt vedtak inn for kommunestyre

#### **Til § 7 Årsmelding**

Kvart år skal det leggjast fram for kommunestyret ei melding om bruken av kraftfondet.

Årsmeldinga for kraftfondet skal innehalda:

- Rekneskap
- Oversyn over prosjekt
- Analyse over korleis fondet er nytta sett i høve til prioriteringa i strategisk næringsplan
- Trong for endringar i prioriteringar/retningslinjer for bruken av kraftfondet for neste år

## **Framtidig organisering av reiselivet for kommunane i Region Nordhordland**

### **KS - 071/2016 Vedtak:**

1. Kommunestyret vedtek å organisera reiselivet i regionen ved å inngå ein samarbeidsavtale mellom Region Bergen Reiseliv og kommunane i Nordhordland (Austrheim, Fedje, Lindås, Masfjorden, Meland, Modalen, Osterøy og Radøy) representert ved Nordhordland Utviklingsselskap IKS.
2. Kommunestyret vedtek å gje årleg tilskot til Region Bergen Reiseliv i tråd med forslag til forretningsplan og saksgrunnlaget, med ein grunnsom på kr 20 000,- pr. år og i tillegg kr 14,- pr innbyggjar i 2017 og justert i samsvar med prisindeksen dei komande åra.
3. Samarbeidsavtale vert utarbeidd av Region Bergen Reiseliv og Nordhordland Utviklingsselskap IKS med grunnlag i forretningsplanen og vedtaka i kommunestyra. Samarbeidsavtalen vil bli lagt fram for kommunane før endeleg signering.
4. Denne avtalen gjeld frå 01.01.2017 til 31.12.2019. Avtalen kan ikkje seiast opp i dette tidsrommet utan at vesentlege føresetnader i denne avtalen vert brotne. Frå 2020 vil avtalen bli revidert bl.a. med bakgrunn i eventuelle endringar grunna kommunereforma. Etter dette vil avtalen fornyast årleg - eit år om gongen. Oppseiing av avtalen må meldast til avtalepartnaren skriftleg innan 01.10.
5. Kommunestyret ser det som viktig med tydeleg nærvær lokalt. Region Bergen Reiseliv må vidareføre og styrke samarbeidet med lokale reiselivsaktørar og Nordhor Lån frå kraftfondet skal sikrast med pant i fast eigedom, leigerett med driftstilbehøyr, maskiner
6. Kommunane i Region Nordhordland og kommunane Fjell, Sund og Øygarden får ein representant i styret Region Bergen Reiseliv.
7. Region Bergen Reiseliv bør vere ei lærebedrift i reiselivsfaget.

## EKSTRA LØYVING TIL NÆRINGSTILTAK/COVID19 MIDLAR, ØYREMERKA KOMMUNALE NÆRINGSFOND

Føremålet med tilskotet er å setje kommunane betre i stand til å avhjelpe situasjonen for lokale verksemdar som er særleg hardt råka av lokale eller nasjonale smitteverntiltak.

Ordninga skal også fungere som ei kommunal ventilordning for å kompensere lokale verksemdar som fell heilt eller delvis utanfor dei generelle kompensasjonsordningane. Kommunane skal bruke midlane på tiltak for lokale verksemdar som er ramma av strenge smitteverntiltak. Dette gjeld særleg:

- stønad som kompenserer for kostnader eller tap som følgje av smitteverntiltak og nedstenging
- stønad til verksemdar innanfor reiselivs-, arrangements- og serveringsnæringane
- stønad for andre verksemdar som av ulike grunner fell utanfor generelle kompensasjonsordningar

### Kven kan søkje?

Kompensasjonsordninga skal gjelde for alle verksemdar i Masfjorden kommune som er råka av smitteverntiltak.

### Kva kan midlane nyttast til?

Ordninga skal nyttast innanfor to område:

- Dekke faste kostnader, det kan til dømes gjelde løn, husleige, straum, forsikring og andre løpande utgifter.
- Dokumentert fall i omsetnad i 2020 og 2021. Her må verksemdene leggje fram relevant dokumentasjon for å synleggjere omsetnadssvikt

Nivået på stønaden heng saman med tal søkjarar. Om det er mange søknadar innafor kriteriana, kan det bli ein sjablongmessig reduksjon av kompensasjonsbeløp.

### Krav til søknad:

- Stønaden vert gjeve etter reglane for bagatellmessig stønad. Søkjarar må stadfeste at dei samla over tre rekneskapsår ikkje har motteke offentleg stønad på meir enn 200.000 Euro.
- Skatteattest skal ligge ved søknaden.
- For å få stønad må verksemdene vere registrert før 12. mars 2020 og ikkje vere under konkursbehandling eller avvikling.
- Vidare må verksemdar drive lovleg og ha betalt skattar, avgifter og forskotstrekk.

### Fekk 3 tildelingar i alt for 2021, hhv. 250.000 (rapportert årsmelding 2021), ny løyving på 250.000 – jf. statleg tildelingsrunde nr. 3, med slik fordeling;

Søkjar	Søkt om støtte	Tildeling
Stordalen skisenter AS	Kr. 50 000	Kr. 27 000
Stordalen oppleving AS	Kr. 80 000	Kr. 80 000
ARDO AS	Kr. 48 000	Kr. 48 000
Fjordtun kafé AS	Kr. 50 000	Kr. 50 000
Kritthuset AS	Kr. 45 000	Kr. 45 000
Sum	<b>Kr. 273 000</b>	<b>Kr. 250 000</b>

### RETNINGSLINER FOR TILDELING AV NÆRINGSPRISEN I REGI AV GULEN OG MASFJORDEN NÆRINGSRÅD

#### Endeleg vedteke i styremøte 30.11.2017.

- § 1 Prisen er meint som ein inspirasjon til næringslivet i Gulen og Masfjorden, og skal vere eit heidersteikn til verksemda som mottok prisen. Prisen skal verte tildelt ei verksemd som har utmerka seg og alle kan komme med framlegg til kandidatar. Blant kandidatane vel ein oppnemnt komité.
- § 2 I komiteen deltek leiar av Gulen og Masfjorden Næringsråd, dagleg leiar i Gulen og Masfjorden Utvikling as og representant frå eksternt sponsor.
- § 3 Prisen skal bestå av eit diplom i tillegg til ein pengesum fordelt slik, kr. 10 000 frå Gulen kommune, kr. 10 000 frå Masfjorden kommune og gåve til ein verdi av kr. 10 000 fra Sparebanken Sogn og Fjordane.
- § 4 Krav til verksemdar som kan få prisen:
- Hovudkontoret må ligge i Gulen eller Masfjorden.
  - Verksemda må ha vore i drift i eit heilt år og må ha levert årsrekneskap.
- § 5 Prisen blir delt ut årleg under Næringskonferansen i regi av Gulen og Masfjorden Næringsråd.
- § 6 Alle kan komme med framlegg til kandidatar. Medlemmar av Gulen og Masfjorden Næringsråd skal kvart år bli oppfordra til å nominere aktuelle kandidatar til prisen. Frist for å komme med framlegg vert sett til 1.februar kvart år.
- § 7 Følgjande kriterium/forhold vil bli vektlagt ved tildeling av pris:
- Skaper positivt omdømme for Gulen og Masfjorden
  - Evne til omstilling og nytenking
  - Skaper nye arbeidsplassar
  - Resultatutvikling
  - Arbeidsmiljø
  - Kompetanseutvikling
  - Serviceinnstilling
  - Miljøomsyn
  - Samfunnsutvikling

### 3. og siste tildeling som Masfjorden fekk (under statleg tildelingsrunde nr.6), fekk Masfjorden tildelt kr. 288.000,-, og fordelt slik:

Søkjar	Søkt om støtte	Tildeling
Nautesund camping og hytter*		Kr. 125 000
Berivest AS	Kr. 175 000	Kr. 163 000
Sum	<b>Kr. 300 000</b>	<b>Kr. 288 000</b>

\* tildelt ½ av tildelt støtte/tilskot kraftfondssak 11/22

Næringsstøtte 2022:	Tildeling
Nærbutikken Sandnes	Kr. 121 400
Sveins bakeri	Kr. 100 000
Stordalen fjellstove	Kr. 75 000
Nordbygda senter	Kr. 75 000
Sum	<b>Kr. 371 400</b>

# BUDSJETT 2023

## MASFJORDEN KRAFTFOND

Vart handsama av kraftfondsstyret den 05.12.22, sak 17/2022  
Og jf. møteprotokoll etter kommunestyremøtet 15.12.2022 sak 63/2022:  
Kraftfondsbudsjett 2023

Rådmannen sitt framlegg:

1. Årsbudsjettet for kraftfondet vert fastset slik:

<b>Inntekter:</b>	<b>Påfyll kraftfondet - konsesjonsavgift</b>	<b>-3 200 000</b>
	<b>Avdrag utlån frå kraftfondet</b>	<b>-100 000</b>
	<b>Renter utlån frå kraftfondet og andre inntekter</b>	<b>-50 000</b>
	<b>Sum inntekter</b>	<b>-3 350 000</b>
<b>Utgifter:</b>	<b>Masfjordsambandet - brufond jf KS 45/12</b>	<b>1 000 000</b>
	<b>LVK, regionrådet m.fl. – tilskot/kontingent 2023</b>	<b>600 000</b>
	<b>Arrangement, profilering av kommunen/div</b>	<b>550 000</b>
	<b>Næringsarbeid innan kommuneadminstrasjonen</b>	<b>100 000</b>
	<b>Elevbedrift/gründercamp</b>	<b>20 000</b>
	<b>Andre næringsiltak (GMU med 350 000)</b>	<b>350 000</b>
	<b>Etableringstilskot</b>	<b>300 000</b>
	<b>Frie fondsmidlar til fordeling</b>	<b>430 000</b>
	<b>Sum utgifter</b>	<b>3 350 000</b>

2. Tildeling av frie midlar frå kraftfondet skjer ved hovudfordeling i september med søknadsfrist 15. juni 2023, og 2. tildelingsrunde i nov./desember 2023 med søknadsfrist 1.november 2023. Det vert opna for å ta opp hastesaker.